

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Getxoko Kultur Etxea Tokiko Erakunde Autonomoa****Getxoarte hirugarren Egoitza Beka deialdiaren oinarriak**

Getxoko Kultur Etxeak Getxoarte 2022ko Bitartekaritza eta Egoitza Artistikoko Programaren hirugarren egoitza-bekarako deialdia egiten du.

1. Justifikazioa

Egoitza-bekak jasoko dituzte Getxoko udalerriko kolektibo espezifikokoak jorratzen dituzten proiektuek. Hots, hemen dauden bitartean egindako ikerketa funtsezkoa izan behar da lan artistikoari begira.

Egoitza-beka udalerriko kultura-egitura bultzatzeko tresna da, eta egoiliarrek Getxoko egitura artistikoan sartzeko eta udalerriko ekitaldietan modu aktiboetan parte hartzeko aukera emango du.

2. Xedea

Beka honen helburua da ikerketa-prozesu eta -espazio ez-formalak ikusaraztea haren garapenean bitartekaritza txertatzen duen edozein praktika artistiko garaikideren inguruan, Getxon ekoitzi eta bizitzeko beka baten bidez.

Hauek dira programa honen helburuak:

- Ikerketa eta ekoizpen artistikoa sustatzea.
- Sortzaileak sustatzen laguntzea.
- Sortzaileek artearen eta kulturaren arloko beste artista eta profesional batzuek elkarri eragin diezaioten erraztea.

Proiektuaren azken forma bere metodologiaren araberakoa izango da, eta nahitaezkoa izango da lana koherentziaz egituratzea, proiektuetan bitartekaritza oinarri gisa sar dadila modu positiboan baloratuz.

Lanek argitaragabeak izan beharko dute. Parte-hartzaileek deialdi honen barruan garatzen den proiektuaren edo lanaren jatorrizkotasuna eta egiletasuna bermatuko dute, eta beste antzeko deialdietara ez direla aurkeztu, ez direla argitaratu eta ez direla estreinatu ziurtatuko dute.

Kultur Etxeak beka esleitu gabe uzteko eskubidea izango du aurkeztutako proiektuen balorazioa ez bada positiboa.

Zortzi (8) orduko nahitaezko tutoretza ezarriko du ikerketaren jarraipena egiteko. Horretarako, Tutoretza ordu horiek Getxoarte erresidentziaz arduratuko den taldeak egingo ditu. Tutoretza-saio bakoitzeko akta jasoko da.

Ikerketa-proiektu bakarra hautatua izango da.

3. Beka erabiltzeko epea

Aukeratutako ikerketa-proiektuaren iraupena bost hilekoa izango da, 2022ko maiatzaren 16tik urriaren 16ra arte.

Romo Kultur Etxean (RKE) gauzatu beharko da, etenik gabe, eteteko baimena badu salbu.

Kultur Etxeak egonaldia luzatu ahal izango du, proiektua garaiz amaitu ezin bada COVID-19aren aurka borrokatzeko prebentzio-neurriak ezartzen direlako. Halaber, egonaldia eten egingo da baldin eta hartutako neurrien izaera edo iraupena dela-eta Kultur Etxeak uste badu proiektuaren jarraitutasunak helburua gal dezakeela. Egonaldia eteten bada, bekaren zati proportzionala ordainduko da, igarotako denboraren eta egindako inbertsioaren arabera.



4. Hartzailleak

Espainiako Estatuan administrazio-egoitza egiaztatzen duen 18 urtetik gorako edozein pertsonak jaso dezake beka.

Beka banaka edo taldeka lor daiteke.

Taldeka parte hartzen bada, pertsona bat izendatu beharko da ordezkari gisa eskara aurkezteko eta Kultur Etxearekin solaskide moduan aritzeko. Kasu horretan solaskide eta kudeatzaile moduan jarduteko bakarrik izango da ordezkaria, ez beka bera kobratzeko, izan ere, taldeko kide bakoitza onuraduna izango da. Beraz, laguntza zati berdinetan banatuko da.

Beka hori sortzaile garaikideentzat bereziki da, haien prestakuntza eta pedagogiak edozein direla ere.

5. Aurkeztu beharreko dokumentazioa

Beka jaso ahal izateko agiri hauek aurkeztu beharko dituzte parte-hartzailleak:

- Gehienez hamabost (15) folioko lan-proiektu bat. Hor, honako hau jasoko da: 2022 Getxoarte Egoitza Beka, hauek adierazita:
 - Izenburua.
 - Izena.
 - Helburuak.
 - Laburpen teorikoa.
 - Proposamen eta garapen formala. (beharrezkoa den informazio guztiarekin, hobeto ulertzeko)
 - Proiektua landu nahi duen kolektibo espezifikoaren deskribapena.
 - Lan egutegia.
 - Aurreko lanen dosierra.
 - Bekaren hautagaien Curriculum.

Taldeka parte hartzen bada, argi eta garbi adierazi behar da eta kideak identifikatu.

Proiektuak eta Euskal Autonomia Erkidegoko bi hizkuntza ofizialeko edozeinetan aurkez daitezke. Makinatuta egon behar dira, espazioa bikoitzean, alde bakarrean idatzita, eta telematikoki aurkezten ez bada, koadernatuta.

Izena emateko inprimakia beteta, www.getxo.eus webgunean ere eskuragarri dago.

- NANaren fotokopia.

Egiaztatuko da ofizioz, salbu eta interesdunak berariaz azaltzen badu aurka dagoela (l. eranskinean) eta, kasu horretan, ziurtagiria aurkezten badu:

- Erroldatzea edo Espainiako Estatuko administrazio-egoitza.
- Ikerketa taldeko kide guztiak, Ogasunarekin eta Gizarte Segurantzarekin dituzten betebeharrak egunean dituztela.

6. Eskaerak aurkezteko epea eta lekua

Eskabideak telematikoki, Getxoko Administrazio Elektronikoko Bulegoan www.getxo.eus webgunean, Getxoko Herritarren Arretarako Bulegoetan edo Getxoko Kultur Etxeko Bulegoetan, Muxikebarrin aurkeztu behar dira, halaber 39/2015 Legearen, Herri Administrazioen Araubide Juridikoari eta Administrazio Prozedura Erkideari buruzkoa, 16.4 artikuluan aurreikusitako lekuetan aurkeztu ahal dira.

Informazioa eta eskaerak udaleko webgunean ere eskuratu ahalko dira (www.getxo.eus).

Prozedura honekin zerikusia duten galderak egiteko helbide honetara jo daiteke: getxoarte@getxo.eus

Aurkezteko epea bi hilabetekoa izango da, deialdia Bizkaiko Aldizkari Ofizialean argitaratu eta biharamunetik zenbatzen hasita.



Eskaerak oinarri zehatz hauen I. eranskinean agertzen den eskabide normalizatuan beteko dira nahitaez.

Eskaerak adierazitako epetik kanpo aurkezten badira, ezetsi egingo dira. Gainera, izapide gehiagorik gabe artxibatuko dira.

Beka honetara aurkeztuz, oinarri hauek oso-osorik onartzen dira. Oinarri hauetan ezarritakoa ez betetzeak egoitza eta dagokion bekaren ordainketa etetea ekar dezake, baita jasotako laguntza itzultzea ere, dagokion berandutze-interesekin, baldin eta diru-laguntzei buruzko 38/2003 Lege Orokorraren 37. artikuluan jasotako kasuren bat gertatzen bada.

Itzuli beharreko zenbatekoa zehazteko, osorik edo zati batean, proportzionaltasunaren edo egitatearen printzipioari jarraituko zaio eta, horretarako, kasu bakoitzaren ezau-garriak hartu dira kontuan.

7. Beka emateko prozedura

Araubidea lehiaketa da; aurkeztutako proiektuak 8. atalean jasotako balorazio irizpideen arabera konparatuko dira. Horrela, puntuaziorik altuena jasotako proiektuari eman-go zaio beka.

8. Balorazio-irizpideak

Hurrengo balorazio irizpideak ezartzen dira eta gehieneko puntuazioa 25 puntukoa izango da. Hauek dira irizpideak:

Balorazio-irizpideak	Gehieneko puntuazioa: 25 puntu.
1. Proiektuaren interesa Getxori egiten dion ekarpen baliotsuagatik.	4 puntu, gehienez ere.
2. Proiektuaren interesa ikerketa-lanari egiten dion ekarpenarengatik.	4 puntu, gehienez ere.
3. CV eta hautagaien eskarmentua	4 puntu, gehienez ere.
4. Bertako sortzaileek aurkeztutako proposamena	2 puntu, gehienez ere.
5. Proiektuak mendeko sentikortasunak eta diskurtsoak jasotzeko modua.	2 puntu, gehienez ere.
6. Proiektuaren bideragarritasuna (proiektua egin ahal izatea)	3 puntu, gehienez ere.
7. Helburuen eta proposatutako metodologiaren arteko koherentzia	3 puntu, gehienez ere.
8. Gaia ezagutzea	2 puntu, gehienez ere.
9. Proposamenaren argitasuna eta zehaztasuna	1 puntu, gehienez ere.

9. Epaimahaia

Proiektua aukeratzen duen epaimahaia ondoko hauek osatuko dute:

- Genoveva Linaza Vivanco, artista, irakaslea eta ikertzailea.
- Usoa Fullaondo Zabala, artista, irakaslea eta ikertzailea.
- Getxoarteko programaren taldea, bozka bakarraz, bozkatu beharreko erabakietan.
- Kultura teknikari bat.

Dena den, otsailaren 18ko 4/2005 Legearen arabera, emakume eta gizonen artean berdintasuna egon beharko da osaeran.

Behin epaimahaikideak izendatuta, Getxoko Kultur Etxeko Tokiko Erakunde Autonomoaren lehendakaritzaren ebazpenaren bidez onetsiko da osaera.

Epaimahaiari dagokio eskarak ebaluatzea hautaketa-irizpideen arabera.

Epaimahaikide bakoitzarentzat (Kulturako teknikariarentzat eta Getxoarteko Bitartekaritza eta Egoitza Programa taldearentzat izan ezik) 300,00 euroko ordaina ezartzen da. Horren ordainketari dagokion deskontua egingo zaio, %15a, PFEZaren atxikipen gisa, indarrean dagoen araudia betetze aldera.

**10. Bekaren zenbatekoa**

Beka bost mila eurokoa izango da (5.000,00 euro). Horren ordainketari dagokion deskontua egingo zaio, %19a, PFEZaren atxikipen gisa, indarrean dagoen araudia betetze aldera.

Beka Kultur Etxeko TEAREN aurrekontuaren kontura ordainduko da, aurrekontu-sail honen barruan: 00300/33400/4820000 Saria, Bekak.

11. Ebazpena eta ordainketa

Oinarri zehatz hauetan jasotako laguntzak emateko instrukzio organismoa izango da Kultur Etxeko administrazio unitatea.

Ebazteko organo eskuduna organismoko presidentea izango da, aurretik aipatutako epaimahairen proposamena kontuan hartuta.

Ebazpena emateko gehieneko epea hilabete batekoa izango da, proiektuak aurkezteko ezarritako epea amaitzen denetik zenbatzen hasita.

Bi zatitan ordainduko da: % 75 hautatzen dutenean, proiektua garatzeko beharrezko finantzaziotzat jotzen delako, eta gainerako % 25 azken txostena entregatzean, betiere helburuak bete badira. Xede horretarako, azken txostena aurkeztu ondoren, Kultur Etxeko teknikari batek balorazio-txosten bat idatziko du.

Emandako diru-laguntzak diru-laguntzen datu base nazionalen argitaratuko dira eta www.getxo.eus webgunean publikatu.

12. Ikerketaren zerbitzura jartzen diren baliabideak

Ikerketa garatzen den bitartean agian udalerrriak duen baliabideren bat beharrezkoa izango da.

Kultur Etxeak beharrezko kudeaketak egingo ditu hautatutako pertsonak proiektua garatzeko beharrezkoak dituen tokiak erabiltzeko aukera izan dezan, Romo Kultur Etxeko espazio batean.

13. Hautatutako proiektuaren titularren betebeharrak

Hauek izango dira hautatutako pertsonen betebeharrak:

- Tutoretzapeko prozesuaren emaitza izango da azken lana, izan daitezkeen diziplina artistiko eta formatuetako edozeinetan (lan grafikoa, ikusizko eta soinuakoa, zuzeneko arteak, argitalpena eta beste batzuk).
- Getxoarteko programetan aktiboki parte hartu beharko da hala eskatzen zaienean.
- Lana gauzatzeak eragindako gastuak bere gain hartzea, lokalak erabiltzeagatik gastuak eta estreinaldiarenak izan ezik.
- Azken ikerketa-txosten bat aurkeztea 2021ko abenduaren 31an baino lehen. Txosten horretan, prozesua deskribatzen duen memoria bat eta emaitzen balorazioa jasoko dira. Bestalde, ezarritako helburuen betetze-maila eta izandako gizarte-eragina ebaluatuko dira. Memoriak prozesuaren faseei eta parte-hartzaileek egindako balorazioei buruzko argazkiak jaso beharko ditu.
- Kultur Etxeak 2022ko abenduan gauzatuko diren Getxoarteko programen barruan, proiektua aurkeztu ahal izango duela bermatzea; horretarako, laguntza teknikoa emango da.
- Bere eskura jartzen den eremua erabiltzeko barne arauak betetzea (ordutegiak, segurtasun-protokoloak, materialaren erabilera, instalazio erabilgarriak eta abar).
- Programaren babespean antola daitezkeen komunikazio eta bitartekaritza ekin-tzetan parte hartzea (ateak zabaltzeko jardunaldiak, prentsurrekoak, hitzaldiak, topaketak...).
- Ikerketan parte hartzen duten adingabeen legezko ordezkarien baimenak biltzea, esku-hartzeak hala eskatzen badu.



- Saria jaso eta gero editatutako lan guztietan eta egindako agerraldi publiko guztietan adierazi egin beharko da Kultur Etxeko eta udaletxeko laguntza jaso dela, eta euren logotipoek agertu egin beharko dute.
- Programa garatzean hartzen diren irudiak (argazkiak, bideoak eta abar) informazio-, dokumentazio- edo sustapen-jardueretan erabiltzeko baimena ematea.

14. Beste batzuk

Oinarrietan aurreikusten ez diren egoeretan, epaimahaiak erabakiko du.

Beka jasotzen ez duten proiektuak lanak esleitzen direnetik 3 hilabetera jasoko ahalko dira Getxoko Kultur Etxetik. Epe hori igarotakoan Kultur Etxeak ez du erantzukizunik izango jaso ez den materialean. Getxoko Kultur Etxeak bigarren egoitza-bekarako deialdia egin du, Getxoarte esparruaren barruan.

Eranskina www.getxo.eus webgunean publikatuta dago.

Getxon, 2022ko martxoaren 1ean.—Getxoko Kultur Etxeko Presidentea, Irantzu Uriarte Gómez